

十五家詞

冊五

十五家詞

欽定四庫全書

十五家詞卷二十四

休寧孫默編

彭孫通延露詞一

序文從文津閣本補

詩何以餘哉小樓昨夜哀江頭之餘也水殿風來清
平調之餘也紅藕香殘古別離之餘也將軍白髮從
軍行之餘也今宵酒醒子夜懊儂之餘也大江東去
鼓角橫吹之餘也詩以餘亡亦以餘存非詩餘之能
爲存亡則詩餘之人存亡之也向讀彭子羨門與王
子阮亭無題唱和嘆其淫思古意兩玉一時阮亭旣
官揚州羨門有客信宿會鄒子程邨初集倚聲于是
延露之詞成焉然則延露者其無題之餘乎蓋維揚
佳麗固詩餘之地也昔人謂天下三分明月二分獨
照揚州至有的人生只合揚州死之語不止十年一夢
而已故登蕪城宜賦西風殘照弔隋苑宜賦金鑊重
門過玉鉤斜宜賦曉星明滅上二十四橋問吹簫玉
人宜賦衣染鶯簧載酒青樓聽竹西歌吹宜賦并刀
如剪進雷塘觀八月潮宜賦玉虹遙掛豈惟平山欄
檻讓文章太守揮毫獨步哉楚大夫芳華竟體若無

湘浦蘅蘭巫峯雲雨則九歌九辨何處生活今以彭
子之才江山助之折大堤之楊柳對官閣之梅花選
樓公子盥手裝書殿脚夫人畫眉捧硯宜其提辛拔
李含柳吐秦與紅杏尚書花影郎中平分風月則維
揚固詩餘之地而彭子乃詩餘之人也有其地有其
人有其人有其詞詩餘人乎人餘詩乎寄語王鄒想
當絕倒如僕者刻畫無鹽唐突西子斯又彭子之餘
也已

小令

十六字令

聽蛩

蟲切切哀吟不肯休愁人處多在五更頭

南歌子

揚州

青雀芙蓉舫紅闌楊柳橋聽徹玉人簫一場花月夢
可憐宵

荷葉盃

問病

花落木樨庭院重見骨細不勝衣支離憔悴總因伊
知麼知知麼知

曲廊

今夜霜風淒緊陣陣行到曲廊邊暗中扶遍小闌干
寒麼寒麼寒麼寒

搗練子

送春

啼鳥歇小庭空幾陣廉纖幾陣風獨倚危欄閑極目
子城一帶綠陰中

望江南

卽事

山郭靜春色正紛披楊柳風柔吹絮粉海棠雨膩濕
胭脂憔悴惜芳時
山郭靜樓閣迴連雲歌管邀迴桃葉棹舞茵催試石
榴裙可惜日將曛
山郭靜亭榭最清幽琪樹花殘猶旖旎靈和柳悴亦
風流往事憶成愁

南鄉子

採桑

花草暄妍江南三月浴蠶天陌上羅敷紛採摘提籠
立柔桑影裏遲遲日

憶王孫

寒食

梨雲婀娜柳雲斜
閒倚高樓看亂鴉
惆悵王孫天一涯
不歸家
風雨年年葬落花

如夢令

惜別

昨夜桂堂深處
風翦燈花如絮
玉漏一聲殘
苦死催教人去
無語無語
淚眼頻頻偷覷

春晝

玉礎朝來生潤
滿地落紅成陣
微步下香階
泥泥雙鴛小印
春盡春盡
吹到荼蘼花信

長相思

閨恨

約歸期盼歸期畢
竟歸來是幾時
賺人書幌兒
長相思
短相思
盡日相思君未知
慙慙瘦不支

目成

啟圍從文津閣本補二字
屏下重旌解意銀缸故不
明
今宵好目成
夜香清墜釵橫
燈下頻頻相喚聲
教人待怎生

河滿子

游仙

獻罷金蔬玉菜吹殘鳳竹龍琴好趁天風尋舊侶逍遙碧嶠青岑歸自安期海上懷中一寸仙槎文津閣本有注秦皇遣徐福入海求一寸槎

分別

寄語

忙裏彈棋擊枰閒時酌酒鳴箏奇服居然人不識高冠短髮長纓寄語里中兒子何妨謂我狂生

生查子

旅夜

薄醉不成鄉轉覺春寒重枕席有誰同夜夜和愁共夢好恰如真事往翻如夢起立悄無言殘月生西弄

去歲

去歲寄寒衣細熨襟前皺春服又重縫何日歸來候青鳥去傳言只說人依舊腰帶沈郎寬禁得添消瘦

昨夜

昨夜夢無憑強起窺粧鏡錦字授行人殘麝光猶疑此去見檀郎情事應詳省生怕不思儂但說慊慊病

夏日病起 文津閣本無夏日二字

珍做宋版印

小礎綠陰粘片榻黃梅宛迸水簾文
流人藉青苔臥鄉字幾時來
旅病纔輕可往事莫思量想著如何過

醉公子

訊使

前月行人去屈指來何暮叩戶料應來
鄉音傳尺素尺素幾行餘不見故人書
難道不相憶沈吟雙鯉魚

點絳脣

送春日與袁重其花下小飲

草暖鶯飛行人多上全吳館月洲亭畔
重把春衣換新綠南園已覺參差遍
花如霰君今不醉負卻提壺勸

浣溪沙

病况

卻月橫雲悄未舒看花踏草興全疎
屏山寂寞夜何如燭爇香焦猶未寢
幾回偷看寄來書感他珍惜怕他虛

春遊

花柳暗萋不自堪柔鶯嚦嚦燕喃喃斷腸春色在江南
麥隴摧風輕委浪蘋波蹙雨淨拖藍旗亭歸去
酒微酣

客中小寒食作

客裏佳辰祇自憐白榆初改漢宮煙覆堤柳色正三
眠芳樹乍聞花氣息小樓幾見月團圓教人無奈
暮春天

踏青

翠浪生紋漲曲池春深閨閣弄妝遲弓鞋羅襪踏青
時鴉鬢輕分金縷縷燕釵低颭玉差差杏花香雨
細如絲

一幅帆飛十里流白蘋芳渚放輕舟洞天何處最深
幽紅杏枝頭寒食雨碧桃花外夕陽樓千條弱柳
綰春愁

艷情

睡起文津閣本作鴨淒清夜未眠銀缸猶在文津閣
本作荷低焰象牀邊七裏錦被入蠶綿臯厭細接
紈簾上諾龍私貯繡襟前玉郎常得玉人憐文津閣
本有注臯厭見水經注

閨思

蟬翼裁成稱體衣妍和風日燕交飛遠山泓黛一行
低雨滴櫻桃隨淚落心絨荳蔻怯人知殘花飛文
津閣本作鶯新絮斷腸時

美人春睡

粧閣深深鎖碧苔春眠嬌倚避風台海棠著雨未全
開金蝶暗寬文綺帶玉鉤微卸錦綦鞋檀郎莫自
詭人來

長文津閣本作鑾江舟中集劉隨州句寄孫

無言

古木寒蟬滿四鄰蕭條環堵絕風塵何年家住此江
濱漢水楚雲千萬里不堪秋草更愁人臨歧南望
一沾巾

初夏

小閣冰簾軸畫叉水沉煙重暈輕紗鵲爐分火發新
茶綠竹傳將歡子粉紅蕉憐殺美人花一池春雨
鬧鳴蛙

伊川令

爲阮亭題余氏女子繡洛神圖

采珠拾翠紛來往羅襪輕盈樣何處通辭波上腸斷
東阿才子一賦千秋悲愴鍼神原是魏宮人重拈出

洛靈小像

卜算子

賦艷

又報玉梅開笑泥青娥飲去歲留心直到今醉裏如
何禁身作合歡牀臂作游仙枕打起黃鶯不教啼
一晌留郎寢

夏至日

已過困人天又把黃梅做試捲疎簾一倚闌小雨吹
紅醋草草百年身悔殺從前錯來日還如去日長
沒箇安排處

有懷

簾影滑生雲蓮子清過水好月微風入夜分記起當
初事鈿盒悵空存愁病看如此仔細從前暗忖量
值箇相思死

醜奴兒令

雨窗讀悔菴弔琵琶樂府

從頭細數傷心事幽怨琵琶哀拍胡笳一代紅顏萬
里沙沈吟掩卷愁無限風闌窗紗雨滴簷牙蛺蝶
多情苦殉花

臨別

畫橈約在春初發，暗數流光羞整新妝不到臨時已斷腸。
繡幃今夜人清悄，雨滴空堂花落空缸數盡更兒懶上牀。

減字木蘭花

重過鴛水客樓

鴛鴦湖畔曾醉嬌，歌聽翠管湖雨湖煙不見於今又幾年。
重來颿影蘭葉蘋花秋色淨，題句空留行裏塵生水面樓。

菩薩蠻

京口遣信南歸因題書尾

繡衾孤擁春寒峭，窗前小玉迎人笑，報道遠人回，郎君有信來。
循環都讀遍，腹內車輪轉，何日卻歸家，慊慊瘦損花。

中秋月落催蘭棹，清明寒食逡巡到，青鳥縱傳書，不歸仍是虛。
舊歡真似夢，畢竟功名重，含淚待歸期，從頭細問伊。

去年除夕蘭缸下，熏香被酒更深罷，彈指又嘉平，迢遙薊北行。
門庭清似水，淚滴鴛鴦被，夜夜捧心眠，何人著意憐。

紅輕文津閣本作斷紅小頰芙蓉淺檀痕新漬香襟

煖雁字下平蕪還勝雁也無情知歸未得不是輕拋擲寄語好加餐春來風雨寒

除夕阮亭廣陵署中守歲

節序驚心殘臘盡同雲霰雨寒猶緊小煖逼爐煙江春入舊年芳柑傳綺席好事過除夕香雪動園梅春迴人未迴

閨情

畫檠未燼花如雨當窗手弄春鶯語半面最宜人屏山一線痕十重綳綺被赤翡交青翠生小怯孤眠郎衣手自牽

春愁

平蕪南浦萋萋碧殷勤別淚紅巾濕花信半摧殘高樓簫管閒金猊空自爇不解鴛鴦結何物似相思相思無盡時

夢起

秦篝小炷銷宮餅繡衾一疊文鴛冷儂已不成眠知伊更可憐晨光生牖裏曉幙長孤起春夢太分明關人半日情

春寒

夜寒酒薄眠初覺一鉤殘月懸樓角小篆冷香筒香

煤半粟紅 垂簾還涉想彷彿金釵響數盡短長更
東方不肯明

暮秋閨思

層波不轉眉山蹙有人倚遍闌干曲雲洗碧天空殘
陽雁背紅 寒林煙冥冥不見歸帆影望斷又今朝
離魂脈脈銷

樓眺

一抹煙鬟青不了遙天幾點寒鴉小落日挂簾鉤捲
簾人倚樓 雲帆何處度目盡江南路窈窕月華生
斷腸今夜明

題青溪遺事畫冊和阮亭韻乍遇

南園粉絮漫天起玉闌干外花陰裏初試薄羅衣金
蟬顫欲飛 無端郎驀見剗轡輕風扇驚起宿鴛鴦
裙拖繡一雙

又夜飲

春檠雙吐緋羅燭文犀酒泛葡萄綠裊裊洞簫聲牙
娘按字清 投瓊聊作戲莫把郎君文津閣本作賺
蕭郎醉今夜好秋光月明衾枕涼

又私語

棠梨落盡花如雪雙雙照影昏黃月泓黛秀聯娟雲

鬟亞玉肩 凭闌羅襪倦坐損春衫 苦小語怯聽聞
嬌波橫覩人

又圍棊

湘蘭九畹垂垂吐雕籠巧喚紅鸚鵡長日試敲棋嬌
慵落子遲 儂家誇好手賭勝朱櫻口卻斂細蛾兒
含羞欲悔時

又迷藏

海棠開遍清和近輕蟬低掠雙文鬢玉體藉花藏花
深珠露涼 青衣能暗邏莫使窺人躲人影墮高枝
玲瓏月一絲

又彈琴

梧桐深院鳴秋葉秋香小炷氤氲玉指弄哀彈琴
心雲水寒 園絲珠作串字字含清怨清怨寄三湘
眉峯九曲長

又竊聽

朱絲宛轉垂銀蒜今宵底事拋針線怪煞太風流頻
頻撼玉鉤 千般輕薄箇可也羞燈火漸覺麝香文
津閣本作蘭微畫屏人欲迷

又讀書

小窗鮮碧凝修竹窗前自有文津閣本作試展珠函

讀日永靜無人風來散帙頻

新粧嬌半面莫使悲

啼文津閣本作團扇明文津閣本作纖月挂簷頭牙

籤索罷休

又潛窺

玄霜搗罷明于雪寧惟人似嬋娟月何必怨羈雌有
人簾外窺嬌羞生不慣驚避檀郎看香汗玉膚潮
無聲落鳳翹

又葉子

竹窗晝永清無事南朝舊譜翻新思奇正巧能兼犀
籌手自拈郎休嗔葉子葉葉郎相似盡日掌中擎
歡情一紙輕

又情外

花梢荳蔻含春色風狂雨驟相狼藉懊惱錦屏空
脂滿地紅諸姨偷看文津閣本作覷著調笑多輕
薄一曲後庭花前身張麗華

又祕戲

枕函膩臉明雙玉纖蛾接黛攢新綠歡淚粉香垂爲
郎忍片時金鋪橫屈戌皓腕頻頻覷覷向蠟燈中
臂粧深淺紅

巫山一段雲

雨窗與程村夜話

歲月閒中老容華暗裏消清槐好爲繫繫字從文津閣本補征舳濃綠染長橋聽雨僧房文津閣本作廬靜尋詩竹院遙燭花落盡又頻挑不寢費蘭膏

南譙道上

暮火投山郭朝寒過驛橋江雲一色秣陵潮抹斷蔣山腰秋色低鴻雁清霜急皂鵬汀蘆沙葦冷蕭蕭風雨入南譙

爲侯大年賦催妝

侯第珠爲帳金閨釵作車水沉香炷博山爐今夜極歡娛顧影雙龍鏡更衣百寶襦畫眉深淺入時無笑指月生初

柳含煙

本意

水驛下戍樓前寒食清明過也淡煙疏雨落花天恨綿綿風起長文津閣本作灞橋如雪短葉枝垂可文津閣本作長條堪折一春只覺別離多奈愁何

謁金門

春夢

春愁積一片角聲清急天上佳期無信息行雲何處